



Universitätsbibliothek Paderborn

Geistliche Hauß-Bibliothec

Allgemainer Hauß-Catechismus/ Das ist/ Kurtze vnd gründliche Erklärung
aller derjenigen Lehren/ welche ein jeder Christglaubiger Mensch zur
Erhaltung vnd Beschützung seines Glaubens wissen/ vnd sonderlich in
Obacht nemmen soll

Lohner, Tobias

München, 1685

Sechstes Capitl. Was grosser Nutz vnnd Früchten auß Christlicher Lehr
erfolge.

urn:nbn:de:hbz:466:1-44834

ihre Underthanen in Lieb vnnnd Gehorsambe zu erhalten.

Sechstes Capitel.

Was grosser Nutz vnd Fruchten auß Christlicher Lehr erfolgt seye.

Weil dann die Erfahrung (daß man dem Allmächtigen höchstes Gleiß dancken soll) zuerkennen gibt / was grosser Nutz denen ein Zeit hero / etlicher Orthen angestellten Collegien / vnd Schuelen / vnd Lehr des Catechismi entsprungen seye / vnnnd daß nemlich hierdurch nicht allein die Jugend im Christlichen Glauben vnderweisen / vor falscher verführerischer Lehr vnd Abfall bewahret / bey der Catholischen Kirchen erhalten / zur Tugend / vnnnd wesentlichen Sitten gezogen / sonder auch durch solche Mittel / die Eltern selbst vnderweisen / vom Irthumb zur Kirchen vnd Wahrheit bekehrt / vor Abfall verhütet / vnd zumal auch ein ganges Haußgesind gebessert / vnnnd erhalten worden / dann was die Kinder guts vnd Göttseeligis / so wol in Schulen / als auch bey dem Catechismo / hören / sehen / vnd lernen / das bringen sie mit ihnen zu Hauß / üben / reden / singen vnd handeln dasselbig / wird also darmit / vnnnd durch ein einiges Kind / oft ein ganges Hauß / gleichsamb mit einem guten Geruch erfüllet / vnd von dannen ferners in ein ganke Gemain / vnd in ein ganges Land zu allem guten außgebraitet / daß nit zu zweiffen /

wann solche Anordnung eher geschehen / es wurden vil herrlicher Land vnd Königreich / welche jetzt vnd verhergt / vnd in höchstem Verderben stecken / noch auffrecht vnd in gutem Wesen stehn / vnd so vil Christliches Bluts nit vergossen / noch sovil armer Seelen verlohren worden seyn / so ist sich abermahls hierumben vmb sovil destomehr anzunehmen / vnnnd in solchem dem Exempel der Alten zu folgen / die es mit solchem Ernst vnd Eyffer getrieben / vnd (wie sonderlich dessen auch der H. Hieronymus berühmt würdet) sich beflissen / dem Allmächtigen lebendige Tempel aufzubauen / vnd zuzurichten / solches auch für ihr höchste Ehr / vnd Er göglicheit gehalten haben.

Vnd zwar wann der jenig billich gerühmt wird / der in äußerlichen Dingen jemand wol onderweist vnd abrichtet / wievil mehr Lobs vnd Ehr ist dann diser werth / der das Herz / die Seel vnd das Gemüth / vnd also den innerlichen Menschen zur Erkandtnuß / auch Ehr vnd Lob Gottes / vnd allerhand Christlichen Tugenden aufbauen thut. Dañ auß solcher Jugend werden mit der Zeit Prediger / Kirchendiener / Bischöff / Obrigkeiten / Richter vnd Regenten / welche hernacher dem gemainen Wesen / in Zeit- vnd Geistlichem dapffer vnnnd getreulich vorsehen / auch ganze Land vnnnd Königreich / in rechter Religion / vnd äußerlichem Frieden vnd Wolffahrt regieren vnd erhalten mögen.

Sibene